

左恪靖侯奏稿續編

恪靖奏稿續編卷四十八目錄

逼攻肅州叠獲全勝摺

遵 旨另籌調度摺

河南協餉改爲毅軍運費片

西甯改關後辦理情形片

涼州白楊墩湖勦賊獲勝片

魏紀璽等招撫被害請卹片

逼攻肅州叠獲全勝摺

奏爲官軍逼攻肅州屢次擊退撲營悍賊叠獲全勝恭摺馳陳仰祈

聖鑒事竊提督徐占彪圍攻肅逆八月初五日以前戰狀已於九月十九日馳陳在案八月初八日黎明偵賊由北門馱運糧草徐占彪密飭總兵齊懷松守備武朝聘率馬隊夜伏潘家屯莊以待并飭總兵李洪超陳登雲千總藍明泰率步隊爲援待至日午賊仍未出收隊歷草湖灘突遇賊七八百分兩股一循北城濠一出短

墻徑前迎撲馬賊四五百忽由北門疾馳而出齊懷松等背湖列陣分隊迎擊李洪超率隊循渠逆上賊亦分股力拒正鏖戰閒遊擊鄭光平率小馬隊與新收歸化馬隊由南壩沙根繞衝賊右官軍合力奮進賊駭而奔各營乘勝追抵北門殲賊數十并生擒七名而返初至十九日賊匿不出惟夜於城頭施放鎗礮徐占彪飭各營靜以待之二十日辰刻北門出賊二千餘循濠下至城東分三股圍歸化三營城上連放大礮護之提督陳春萬等出隊衝殺徐占彪飭遊擊秦玉盛等以馬隊

繞抄城東北角齊懷松列隊城南總兵朱賢聲黃祖福
等各率隊繼至賊不敢近惟伏渠中施放叉子鎗相持
既久忽城西鎗礮大震徐占彪飛率小隊親兵及遊擊
徐春先馳往見城西之賊二千餘正逼攻河北壩民團
營壘民團勢將不支徐占彪飛令遊擊陳吉陞把總熊
飛鵬抄出賊後于總候定邦及鄭光平直攻賊前賊殊
死戰熊飛鵬督隊直搗中堅賊始敗竄陳吉陞自旁橫
擊之候定邦鄭光平復繞截其歸路賊敗走官軍追逼
城下城上鎗石雨注始收隊還計殺賊百餘名將弁亦

多帶傷者城東之賊亦經總兵龍得勝及藍明泰齊懷松等擊敗返奔守備李得宜營見殿後賊目卽前次乞撫之僞萬長馬躍馬斬之各營乘勝追殺斃賊數十名徐占彪撥副右等營勇丁助民團守壘二十一日黎明賊仍由北城濠中潛出千餘人繞城西撲新中營右哨分壘副將李玉山飭勇丁憑牆堅守俟賊撲近鎗礮排轟數十名賊退踞濠邊朱賢聲陳惠萬馳至見另股由南濠撲正營前哨分壘擊卻之是夜徐占彪飭各營環城南掘長濠二十二日賊復由西南濠內突出千餘名

直犯新左後哨分壘提督蕭章林飭以劈山線鎗測準
轟之斃賊數名乘勝開壁縱擊賊仍敗匿濠中是夜賊
千餘由南城各攜鋤鋤偷掘濠牆徐占彪率隊潛往以
洋鎗自後擊之賊大潰濠牆已被賊掘圻數丈仍飭修
砌二十四五兩日城南長濠已掘成七百餘丈是夜謀
報有賊數百潛赴塔爾灣收糧徐占彪飭藍明泰率歸
化馬步隊躡蹤捕勒賊正乘月擒獲官軍遽起拏之斃
賊二三十名生擒七名奪駱駝九頭二十六日賊千餘
由城西禮拜奔逼攻新中兩營城上齊施鎗礮徐占彪

一面督軍修濠一面調徐惠先及千總王岐山助守各營嚴賊數時賊始敗遁城西禮拜寺有踞賊數百見長濠修近中渠礙其出入是夜於渠西築二卡相抗二十七日夜徐占彪率壯士襲賊卡各攜麥草填濠殺入賊驚覺狂竄斃賊數十名生擒三名遂焚其卡二十八日城東南西三面俱出零賊伏濠放鎗并於城西增修二卡較前高堅徐占彪慮其夜擾調新左營右哨均填紮前哨壘中是夜悍賊二十餘直攻新左營勢甚兇猛總兵張成義及蕭章林環施鎗礮賊三伏三起撲及營門

蕭章林挺矛奮刺斃賊十餘賊稍却徐占彪率各營分
道馳援忽大風揚塵賊又子鎗不能施放官軍大呼斫
陣賊勢披靡屍橫里許生擒十一名訊據擒賊馬六兒
供稱是役共斃賊四百餘名內千長萬長共十餘名此
八月初六至二十九日擊賊連勝實在情形也九月初
一日賊伏西南城下開鎗又於城上放九節大礮忽斷
忽續徐占彪見賊不出戰惟攢聚城濠覺其有異率親
兵潛赴城南時城上寂無人聲循濠而西見溝中新開
地洞二處深甫五六尺旋入黃草渠又見渠中一洞正

對新左營壘深至五丈有奇徐占彪訪蕭章林張成義等亦深掘營濠當之初二日營濠已掘至二丈許忽黃草渠黑烟突起有聲如雷昏霧中見渠中伐賊紛紛爬濠亂竄不喻其故趨視渠中始知賊失火引燃所步火器轟坍地洞洞中之賊已焚斃無數也初三夜賊潛出城南偷掘濠牆火光如螢倏忽隱視哨長鄧洪貴暗排鎗礮以待候賊逼近鎗礮迸發比敗賊回竄踰溝徐占彪已率隊馳至夾擊斃賊遂多自九月初三以後至二十三日賊雖零星偷撲營濠人數無多知屢挫之後絕

徽宗二十一日賊復分兩股出撲新白兩營衆約三
四千又以馬賊五六百排列黃草壩徐古彪飛調副將
桂錫禎及秦玉盛藍明泰各率所部迎擊馬賊飭李洪
超陳登雲攻其左路親兵小隊及徐惠先宋賢聲等攻
其右路秦玉盛等揮隊直前馬賊亦拚死力拒哨官樊
振海怒馬斫陣銳不可當藍明泰復以健騎襲攻賊後
賊隊大亂各軍譟噪追逐迺抵北門殺賊數十而奪其
馬右路之賊已逼新中營濠徐惠先自後擊之賊回拒
時許李玉山知賊勢已竭開壁夾擊賊仍數走左路之

賊經總兵康得勝副將吳占勝分投接戰賊敗伏河邊
以又子鎗連環施放有賊目執旗喊黨磨門降賊認爲
馬朶元帥吳占勝率壯士挺矛大呼陷陣伏賊爭起搯
刺吳占勝手刃馬朶元帥而塞其旗餘賊駭奔徐占彪
合隊擒殺賊敗入卡副將蕭蘭玉蹣追直薄賊卡賊復
却退徐春先順渠抄之計共斬悍賊二百餘生擒七名
奪戰馬五匹刀械尤多二十八日秦玉盛率馬隊赴城
北巡哨適騎賊二三百向西疾馳秦玉盛繞前截擊賊
仍回城紆城賊復出桂錫楨等率隊繼至擊却之二

十九日馬步賊千餘順草湖而下徐占彪列陝以待比賊逼近杜錫棹抄其後秦玉盛攻其前賊依廢堡分股穩抗徐占彪伺其稍懈親率精銳橫攻之馬賊先逸步賊四潰追殺百餘名生擒四十七名奪獲馬械極多此九月二十四日至二十九日擊敗撲營悍逆并陣斬賊目實在精形也臣維肅逆被圍日久窘蹙殊常希圖攻撲墻濠潰圍鼠竄均經徐占彪擊卻卒不得逞惟地濶兵單未能合圍制其死命容俟增派勁旅多昇攻具以期速拔堅城所有肅州疊獲全勝情形謹據實馳陳伏

乞

皇太后

皇上聖鑒訓示謹

奏

同治十年十一月二十日

遵

旨另籌調度摺

奏爲遵

旨覆陳事竊臣欽奉

諭旨前據左宗棠奏兵力不敷分布請調宋慶一軍當
諭令該提督赴甘助剿茲據鮑源深奏稱該軍駐紮河

西晉省河防深資屏蔽值此冬令冰堅倉猝之間無從
另調別軍填紮毅軍拔隊遠征籌辦軍裝糧運事宜亦
需時日且冰雪長途行走難於迅速可否飭令稍緩西
進容得另籌調度等語著卽照鮑源深所請知照該提
督暫緩拔營妥籌防堵仍一面豫爲布署俟來歲春融
卽行迅速前進不准藉詞耽延甘肅西甯肅州一帶攻
剿情形現在毅軍暫雖成行該處自應另籌調度左宗
棠當斟酌軍情妥爲布置勿稍疎虞等因欽此

臣維甘肅目前局勢西甯連獲大捷師抵府城軍威大振土客

各回竄伏西川及巴燕戎格大通縣等處哀懇收撫仍
須妥籌辦理以規久遠肅州踞逆節經徐占彪叠次猛
攻逼城築壘賊勢窘蹙殊常特地廣兵單未能速合良
圖制其死命亟應早謀添餉庶幾迅拔堅城宋慶一軍
既未克速來而事機所在又未可遷延不赴因思前甘
肅提督曹克忠久役關隴戰績最多性情之侃直紀律
之嚴明臣所素悉前於同治六年八月曾經
奏調曹克忠適值患病未赴上年奉

命辦理肅州軍務曹克忠單騎入關接統淮軍將弁勇

丁概非素習而軍事又有必須從新整理者數月以來
軍情驟難平治茲聞淮軍已奉

旨飭劉盛藻接統曹克忠行將交謝軍事隴中軍興十
餘三宿將彫零現督甘肅提督楊占鰲才足治事勇更
未優屢據呈請傷疾舉發乞淮假歸臣尙未許也甘肅
提督遠駐甘州非聲威素著足當一路之寄者不足以
資鎮攝而赴戎機合無仰懇

天恩准飭曹克忠交卸淮軍後迅赴蘭州於所募步隊
三營內擇其願隨西征者率以俱來其憚於西行者悉

予資遣到蘭州後臣面與籌商或酌撥馬壯數營歸其統帶逕赴甘州署理提轅就近派撥馬壯會攻肅州於局勢必多裨益所有遵

旨另籌調度情形謹據實具陳伏乞

皇太后

皇上聖鑒訓示施行謹

奏
同治十一年十一月二十日

河南協餉改爲毅軍運費片

再宋慶一軍係照豫省餉章每勇丁一名月支銀三兩

此外雖稍有津貼聞亦無多惟紫神木一帶與邊外蒙地緊接該處地沃產饒牛犏連獲豐稔糧價既賤牲畜又多以故採糧轉運勞費較省豫餉雖薄尙資敷衍茲奉

詠旨飭俟來歲春融卽行前進竊恐隴中糧用艱阻十倍神木或滯師行而臣軍餉項積欠太多又從無從提注再四思維惟有將部撥河南月協臣軍餉銀一萬五千兩改爲毅軍運費在豫省無事另籌而該軍得資津貼如蒙

俞允應請

旨飭下河南撫臣除將同治十二年正月以前協餉仍
籌解臣軍外自同治十二年二月初一日爲始應協
軍月餉銀一萬五千兩同毅軍月餉按月併解宋慶行
營以利師行而示體恤是否有當謹附片具陳伏乞

聖鑒訓示謹

奏
同治十一年十一月二十日

軍機大臣 字寄同治十一年十二月初一日奉

上諭左宗棠奏另籌調度情形暫官軍逼攻肅城登護

勝仗各一摺覽奏均悉西甯土客各回竄伏西川及巴
燕戎格大通等處窮蹙乞撫肅州路逆亦經徐占彪迭
次猛攻逼城而壘惟肅城地廣兵單未能速合長圍制
賊死命卽著左宗棠飭令徐占彪就現有兵勇穩慎以
圖一面添派勁旅併力進攻金順於九月中旬自甯夏
拔隊西進疊諭到肅後會合徐占彪一軍力拔堅城刻
下計早抵肅西川等處乞撫回衆並著妥籌辦理毋稍
疎虞該大臣以兵力不敷請飭曹克忠赴甘助剿卽著
邵亨豫傳知曹克忠於交卸後迅速馳赴蘭州聽候左

宗棠謂遣其所募步隊三營并令慎加選擇或分別資遣勿使滋事至曹克忠抵甘後應如何撥營歸其統帶及該提督應赴何處駐紮並著左宗棠斟酌情形奏明辦理穆圖善當慎遵疊次諭旨扼紮平涼固原一帶以爲甘省後路聲援毋得逗留西安省城宋慶一軍本日已令定安傳知該提督開正卽整隊西行另月奏請飭將河南應解西征月餉改撥宋慶軍營等語已諭令錢鼎銘照辦矣將此由五百里各諭令知之欽此

西甯解圍後辦理情形片

再西甯解圍後土客各回目互相猜貳紛紛乞撫劉錦棠遵臣歷次示諭飭令先將所有馬匹鎗械悉數分日呈繳然後言撫計西甯縣屬已繳馬一千六百餘匹鎗矛四千餘支大通縣屬已繳馬五百餘鎗矛一千餘其觀音堂溝土回則令赴統領安西軍提督劉明燈行營就近呈繳亦據報收馬四百匹鎗械千餘件陝回崔三等土回治福興馬福壽等皆欵營獻良馬自限按日追繳馬械彼俗所謂拉馬投誠者也其西甯城關各回民

隨馬本源馬桂源遁巴燕戎格者劉錫棠飭回馬永
福往招之計陸續逃歸復業者三千數百名感官軍不
殺不擾之德放膽來投者尙絡繹於道馬桂源等以黨
夥已離赴劉明燈處遞呈言爲西北川回民所誤意爲
脫罪求免地步以臣購捕告示中有解營訛辦一語也
馬永福在西甯回目中屢稱樸愿本馬本源之堂叔馬
本源等糾陝西叛亂馬永福在城助官民守禦甚力其
子馬德源卽彼教之海裏飛車兇狡馬永福不能制至
是因促馬本源等速歸就撫又爲馬本源等所殺馬本

源兄弟既殺馬德源爲其族衆所不容據河回馬占營
馬永瑞等密稟陳湜現糾約入工撒拉回衆截其入撒
拉之路陳湜已與劉錦棠密商辦法不容其深入番地
也大抵回性多疑善詐似點實愚其用心有非尋常意
料所及者辦理之法不可稍涉迂緩致失事機亦不可
操之太蹙令其疑畏察看劉錦棠陳湜皆深識此意臣
惟有專其委任責其成功務求數百十年之安不敢夸
近功而忘遠大也謹附片陳明伏乞

聖鑒訓示謹

奏同治十一年十二月十五日

軍機大臣 字寄同治十一年十二月二十六日奉

上諭左宗棠奏官軍剿擊肅逆聚獲勝仗暨西甯土客
回自乞撫現在辦理情形各摺片肅州回逆困踞孤城
屢次出撲官軍營盤經徐占彪奮勇擊退惟城中悍賊
尙多困獸猶鬥尤宜穩慎進取迅拔堅城該大臣現已
添派陶生林等營前赴肅州交徐占彪節制調遣金順
一軍計期亦應到肅卽著左宗棠飭令徐占彪會同金
順乘此聲威迅圖攻拔以竟全功西甯土客各回呈繳

馬匹鎗械紛紛乞撫并著飭令劉錦棠等妥爲辦理毋
稍疎虞逆首馬本源馬桂源逃遁巴燕戎格因黨已與
離亦思投誠免罪該逆等狡詐性成恐以乞撫懈我軍
萬一逃入番地則捕獲尤難仍著飭令劉明燈陳湜一
錦棠等妥慎籌辦無論是否就撫總以捕獲爲要不可
稍涉迂緩致誤事機將此由六百里諭令知之欽此

涼州曰楊墩湖剿賊獲勝片

再涼州府永昌縣毗連邊疆其沙窩白楊墩湖等處時
亦伏匪伺隙出擾十月二十二日涼州副都統額爾慶

聞武威縣屬陳春堡有警率隊馳往將近白楊墩湖有馬賊七八十騎徑前迎撲額爾慶麾馬隊擊之賊屢卻屢進官軍迭奮壓剿賊始敗奔追二十餘里生擒一名斬十餘名忽有另股馬賊百餘騎由青山竄出敗賊亦合股回門額爾慶派佐領存祥分隊力擊鏖戰三時適官軍步隊繼至繞截賊後賊乃大奔追歷十餘里生擒二名斬三十餘名鎗斃紅衣賊一名奪獲紅旗一面鎗礮刀矛牲畜甚夥救出被擄男婦十三名所有白楊墩湖剿賊獲勝情形理合附片陳明伏乞

聖鑒謹

奏 同治十一年十二月十五日

軍機大臣奉

旨知道了欽此

魏紀盞等招撫被害請卹片

再陝北逆蹤剽除殆盡僅餘漏網之羅三朝馬正榮各
零股數十騎此擊彼竄飄忽異常管帶武威前營總兵
魏紀盞七月內疊據撫回馬義才堅稱伊姪馬正榮急
於求撫心懷疑懼請前往收撫等情魏紀盞卽率弁勇

數名帶同馬義才及撫回陝得榮前往七月三十日行
經定邊四合原地方適遇羅三勝馬正榮等合股竄至
魏紀盪推誠開導羅三勝見魏紀盪隨身并無隊伍頓
起殺機魏紀盪知賊情有變卽挺矛擊刺格斃數賊究
因衆寡不敵力竭陣亡并將楊石泰等亦同時戰歿羅
三勝以撫回陝得榮爲同教甘言誘之陝得榮大罵不
屈旋即被害嗣陝西提臣雷正綰派隊兜剿東山零匪
生擒羅三勝及其二黨馬海受馬海明三犯解交平慶
涇道魏光燾驗訊明確懲處臣飭魏光燾并提緝捕來

撫馬義才一犯均訊明磔誅以雪忠憤竊惟魏紀整素
稱驍勇深明戰略同治六年隨上入關委帶中營馬隊
隨陝西雲巖鎮董志原等處歷著戰功復攻克保安縣
屬老崖窰擒斬首逆袁大魁嗣委帶武威前營剿賊環
慶兩川及韓蒲邵高等處肅清壁固兩山游匪生擒逆
首李百寬等多名厥功尤偉茲以零匪求撫急於見功
致被零匪戕害實堪憫恤合無仰懇

天恩俯准將總兵魏紀整照總兵陣亡例

賜卹同時遇害花翎留陝甘補用參將楊石泰花翎都

司喬秉祥藍用都司蕭國才藍翎千總陳明道把總
正魁五名并懇

勅部照例議卹以慰忠魂謹附片具陳伏乞

聖鑒訓示施行謹

奏
同治十一年十二月十五日

軍機大臣奉

旨魏紀整等均著照所請交部分別議卹欽此

恪靖奏稿續編卷四十九目錄

攻拔大通縣向陽堡逆巢摺

肅州官軍攻破城西賊堡摺

請將回目馬占鼐等獎勵片

年虎灘擊賊獲勝片

朱慶到省暫駐涼州片

攻克肅州附城新堡及禮拜寺堅巢摺

收復大通縣城擒斬逆目摺

克復巴燕戎格擒獲叛逆摺

攻拔大通縣向陽堡逆巢摺

奏爲官軍攻拔大通縣向陽堡逆巢大獲勝仗著名逆酋悉數擒斬現籌辦理情形恭摺仰祈

聖鑒事竊西甯解圍後辦理情形臣等於上年十二月

十四日附片具陳在案查西甯附郡地方震懾兵威其求撫者又經三品卿銜道員劉錦棠推誠相待羣爲感動陝回中如崔偉畢大才禹中海土回中如治福興馬福壽卽江湖三楊保元目者外各回目悉矢志輸誠人心漸定惟大通縣地居邊徼未覩軍威向陽堡逆目馬

進祿下亂泉逆目韓起壽卽牛角頭本屬叛員馬桂源
馬本源之腹心大通營都司馬壽尤爲狡黠劉錦棠先
飭總兵胡萬亨赴大通督收回衆所繳賑糧本形踴躍
馬桂源由巴燕戎格遣人暗勾馬壽等糾黨戕害領賑
難民數十人撫回崔偉畢大才禹中海等願剿賊自效
劉錦棠派總兵譚慎典率數十騎督同前進十二月二
十六日遇賊於距通十里之姑姑加莊敗之斃賊數十
撫回各隊均有傷亡劉錦棠布置郡防率隊繼進正月
初一日悍賊千餘撲崔偉等營盤崔偉等率馬隊擊走

之追殺十餘里斃賊八九十名生擒四十餘名奪獲戰馬二十六匹鎗矛百餘件訊出叛弁馬壽之姪賊目馬良才斬之初四日劉錦棠進兵攻向陽堡提督吳隆海陳汝俊蔣月華等由左路進提督熊隆名陳啟明繼之提督余虎恩遊擊董福祥由右路進親率提督席大成進中路譚慎典率崔偉各隊排列河西前西甯鎮總兵黃武賢亦飭遊擊黃金福率師來會分道猛進出剿之賊約三千餘分東西南三面正修砌礮台見官軍至拚死抗拒官軍鎗礮齊轟繼以刀矛立斃悍賊數十賊始

敗縮堡中憑礮放鎗擲石官軍於礮石中冒險肉薄而登傷亡不少吳隆海陳汝俊蔣月華憤甚麾軍毀其堡門奮躍而入各軍亦攀堞齊登立將巷戰之賊千餘悉駢斬之賊之奪東牆出走者約尙三四百人熊隆名陳啟明率馬隊及郭蟒寺練總陳海馬隊追殺淨盡堡中賊均遁入二小堡登樓上屋擲石放鎗仍圖抗拒吳隆海董福祥立破其一尙餘一堡正派隊圍攻間礮樓屋頂之賊號呼乞命稱爲賊目所脅請官軍緩攻願盡縛賊目以獻問其姓名始知馬壽馬進祿韓起壽及河西

著名匪徒悉在其中官令縛獻首從四十餘人提馬進祿韓起壽陣前磔死餘逆概予駢誅惟留叛弁馬壽拘守未誅飭令飛告縣城各回勒限出城並捆獻爲逆者始免剿洗其撫回馬福壽又於賊衆中指認與馬桂源兄弟暗相勾結之逆回三十餘人悉訊明斬決餘衆千餘慨行釋免奪獲騾馬五六百匹又子鎗二百餘枝刀矛無算糧料約二十餘萬斤軍威丕震各處回衆聞風畏懼搶額哀鳴願繳馬械獻匪人求免剿洗劉錦棠遂加撫諭令其速繳馬匹鎗械勿萌異心自干誅戮惟大

通營及永安一帶回巢距大通縣城二十餘里尙須移
軍剿辦現正料理拔營也臣惟西甯地勢遼闊尙爲回
番窟穴山嶺復沓西北徑通關外西南均接青海西藏
四十餘年等於絕域聲教久已不行劉錦棠破賊解圍
後回衆震於兵威均各款附惟土客各回多疑善詐自
知所犯不赦恐併遭誅戮其結者復多方煽惑暗肆阻
撓此時若操之太蹙必致人人自危兵威一加轉得有
所藉口自不得不宣示恩信堅良回就撫之心迫安撫
漸多來投者亦請速誅反側自明心迹而後因而用之

庶收以回攻回之效又此次大通逆目馬進祿韓起壽等鼓惑叛弁馬壽詭謀煽變戕害領賑難民孽繇自作官軍急起剿之逆目無一漏網恩信無渝聲威更暢俾誠心就撫者知感挾詐來投者知畏其於剿撫兼施機宜似尙允協惟馬本源弟兄竄踞巴燕戎格爲時已久雖通詣各軍求撫而仍巧持兩端暗行勾結必須迅予殲除

臣

宗棠已飭總理營務處前山西按察使陳澧河

州鎮沈玉遂率河州太子寺三甲集各營隊伍由河州前進令撫回軍功馬占鰲馬永瑞等各率所部爲之前

驅並檄提督劉明燈總兵敖天印分扼米拉溝各要隘
以杜竄越復調降補參將楊世俊率馬步各營由扁都
口一帶移駐大通冀可速赴戎機此剿辦大通回逆攻
克向陽堡逆巢大獲勝仗現籌辦理之情形也此次血
戰陣亡之記名提督效勇巴圖魯朱南英提督銜記名
總兵陳鳳源記名總兵李福星張大興謝東元總兵銜
副將王聯升副將王泰春嚴濟勝易恒升周忠久遊擊
黃豐大成海清彭傳陞楊丕致都司吳得勝劉漢成劉
正開守備吳福永許得勝謝春和黃玉泉余祥麟俱著

秀陳鳳林周肇堂王昇祥千總武戴喜曹福魁楊遠俊
余吉祥胡瑞成戴桂林黃楚淵把總傅長清陳德友邱
清發陳昆志潘甫池陳金順陳大順高古魁秦滿才姚
喜庠戴樹森王被和陳意堂鄧東山陶得勝軍功高發
揚何吉祥彭楚桂宋文彬李有福陳桂堂同知銜候選
知縣張恒丹五品軍功附生吳光燕合無仰懇

天恩勅部各照官階議給卹典以慰忠魂謹合詞具陳
伏乞

皇上聖鑒訓示施行謹

奏 同治十二年正月二十七日

肅州官軍攻破城西賊堡摺

奏爲肅州官軍擊退撲營悍賊轟破城西賊堡大獲勝
仗恭摺仰祈

聖鑒事竊肅州回逆自十月間屢敗後伏匿不出惟分
股於城西禮拜寺附近添築堅堡爲犄角提督徐古彪
分派各營輪班攻撲十二月十九日城賊出馬步三千
餘分撲署總兵王子龍黃祖福營勢甚兇悍徐占彪飛
調提督陳春萬千總藍明泰循長濠擊其前自率總兵

宋賢聲齊懷松遊擊徐春先秦王盛等從黃草坡抄其
後復飭總兵李洪超陳登雲越長濠搗其中堅三路並
進王子龍見援兵已集亦開壁出迎賊復背受敵退踞
城西北隅官軍三面環攻如牆而進賊結隊拚鬪抵死
不退官軍勇氣百倍縱橫溢決自卯至申鏖戰歷六時
之久殲賊甚多復以劈山礮向賊團聚處轟之賊更不
支向北奪路而退徐古彪麾軍追殺適副將桂錫楨守
備武朝聘各馬隊由北崖頭馳至兩路夾擊賊屍枕藉
餘賊竄入北稍門時已二鼓矣計生擒二十八名陣斃

悍賊二百餘名訊據擒賊供稱馬四以援絕勢蹙挑悍黨千餘啖以重賁爲背城之戰不虞仍爲官軍痛剿賊目死傷甚多當將擒賊斬決徐占彪以城西之堡守禦綦嚴逼攻徒傷精銳惟有用地雷轟之各營弁勇輪挖地道二十三日工竣安置藥匣引綫二十四日初更飭提督黃虎臣徐春先陳春萬率隊順黃草渠繞至堡前阻其出路兼截南稍門出援之賊飭李洪超陳登雲黃祖福率隊潛赴堡北遏賊北竄兼截北稍門乃禮拜寺援賊覲率馬步環伏堡之左右四更時地雷併發立塌

堡牆一丈有餘守牆者多飛墮牆外計斃數十名餘賊開壁四竄伏軍四起呼聲動地賊自相踐踏官軍趁勢越入賊堡刀矛並進陣斬僞千長馬文擒賊六十三名內有僞催兵百長馬四把子堡內賊無一脫者時城內出援之賊亦被李洪超等擊敗之是役共擒斬三四百名訊據馬四把子供稱賊勢窘蹙異常請入城諭撫徐占彪以回情狡詐未准所請又知援軍將至攻堅大礮亦與偕來軍心益奮臣維肅逆勢孤力竭臣前派提督陶生林戴宏勝等馬步五營歸徐占彪節制調遣已於

十二月二十三曰行過甘州不數日即可抵肅金順先
撥各營亦可剋期會剿以局示論賊愈蹙而兵愈增計
可剋期戡事所有十二月肅州連獲勝仗情形謹據實
具陳伏乞

皇上聖鑒訓示謹

奏 同治十二年正月二十七日

請將回目馬占鰲等獎勵片

再河州回目馬占鰲馬永瑞自就撫後疊經妥辦各務
均極妥慎嗣接捕河州土匪及各處竄匪回目多名

臣

察其悔罪輸誠切實可靠令挑選回勇兩營飭馬占鰲
督帶馬永瑞副之仍歸河州鎮總兵沈玉遂統帶剿賊
立功茲據沈玉遂稟稱同治十一年十二月二十八日
米拉溝撫回馬良義飛報馬桂源等率賊千餘衝撲細
巷地方圍丁衆寡不敵被賊焚掠勢圖東竄當經東鄉
回目馬悟真卽馬尕大將河水凝結各處併力鑿開斷
賊偷渡沈玉遂飭馬占鰲馬永瑞率左右兩營隨官軍
剿賊復派馬營回目馬仲有下川口回目安朝玉等各
率丁壯助剿二十九日抵米拉溝馬良義等正與賊戰

馬占龍適至率回勇奮力夾擊陣斬悍賊數十名官軍
率馬仲有等乘勢壓剿復斃賊數十名生擒二十三名
內有馬麻希馬腮巷蘇美成七十八馬洒兒蘇狗免勒
者布七名俱著名逆目也餘賊敗竄歸巢官軍回勇均
各有傷亡又東鄉匪首高復個亦經馬占龍馬悟真等
設法擒獲解營正法臣維馬占龍等投誠以來實能剿
賊自效此次馬桂源喊黨出竄合力堵剿痛挫兇鋒尙
屬奮勉旋據馬占龍馬永瑞馬悟真等赴臣署謁見諭
以順逆之理禍福之機均能感悟亟思立功自贖合無

仰懇

天恩准給馬占旄花翎五品頂戴馬永瑞藍翎五品頂戴馬悟真五品頂戴以資觀感出自

鴻施謹附片具陳伏乞

聖鑒訓示施行謹

奏 同治十二年正月二十七日

軍機大臣 字寄同治十二年二月初九日奉

上諭左宗棠豫師奏官軍攻拔大通逆巢左宗棠奏肅州官軍攻破城西賊堡請將回目馬占鼐等獎勵各摺

片覽奏均悉大通逆目馬進祿等鼓惑叛弁馮壽龍謀
煽變經劉錦棠督軍進剿攻破向陽堡逆巢並將著名
逆首悉數擒斬剿辦尙屬得手所有陣亡之記名提督
朱南英記名總兵陳鳳源李福星張大興謝東元總兵
銜副將王聯升副將王泰春顏濟勝易恒升周忠久遊
擊黃豐太成海青彭傳陞楊丕致都司吳得勝劉漢成
劉正開守備吳福永許得勝謝春和黃玉泉余祥麟雷
春芳陳鳳林周肇堂王昇祥千總武載喜曹福魁楊俊
遠余吉祥胡瑞成戴桂林黃楚湘把總傅長清陳德友

邱清發陳昆志潘甫池陳金順陳大順高名魁秦滿才
姚喜庠戴樹森王被和陳意堂鄧東山陶得勝軍功高
發揚何吉祥彭楚桂宋文彬李有福陳桂堂同知銜候
選知縣張恆丹五品軍功附生吳光燕均著交部各照
官階分別議卹叛員馬本源等久踞巴燕戎格徧詣各
官求撫仍持兩端暗行勾結必須迅速剿辦左宗棠已
派陳湜等軍由河州前進著卽飭令實力攻剿並嚴扼
米拉溝等處竄路以期一鼓殲除大通一帶回匪仍著
飭令劉錦棠等乘勝進兵剿撫兼施速籌戡定平番碾

伯一帶防剿事宜著豫師督飭所部與左宗棠派出各營聯絡策應毋稍鬆懈肅州城西賊堡經官軍用地雷轟破城內賊勢已蹙惟回情狡詐未可輕聽乞撫之詞致虛詭計現在陶生林等軍計已抵肅兵力較厚著左宗棠飭令徐占彪激勵將士奮力圍剿迅拔堅城毋任日久盤踞回目馬占龍等隨同剿賊出力自應量予獎勵嗎占鼐著賞給花翎五品頂戴馬永瑞著賞給藍翎五品頂戴馬悟真著賞給五品頂戴將此由五百里各諭令知之欽此

羊虎灘擊賊獲勝片

再據統領定涼等營提督王仁和稟稱同治十一年十月十四日偵知扁都口羊虎灘地方有馬賊三四百潛踞伺劫經該部副將王禮和率馬步八百餘於初鼓時銜枚馳抵該處出賊不意環攻賊巢賊惶懼紛竄官軍乘勢猛擊斃賊百餘名生擒二十八名內有逆首馬滿拉一名奪獲牲畜軍械無算其餘逃賊復經參將劉文和都司黃玉林黃得成各率馬隊跟追數十里斃賊十餘名訊據馬滿拉供稱同治九年由金積堡敗潰領

其黨夥投奔西甯馬桂源馬桂源因官軍進據小峽口
一帶屢敗勢蹙逼其潛領黨衆赴口外求援因各處均
駐有官軍未敢徑越等情當將該逆正法竊維西甯路
通關外出關路徑不必取道嘉峪馬桂源與關外賊首
妥逆等均逆首馬化澧同教互爲首岸彼此潛通聲息
本在意中此次經官軍截剿賊目就擒實足杜姦謀而
寒賊膽臣前飭降補參將楊世俊赴扁都口一帶防剿
早報抵防兵力已足如續有賊蹤出竄自能悉數殲滅
所有羊虎灘擊賊獲勝情形謹附片具陳伏乞

聖鑒謹

奏

硃批知道了欽此

宋慶到省暫駐涼州片

再宋慶一軍因鮑源深奏留稽遲良久嗣蒙

諭旨飭催西進將士歡忻鼓舞分起趲行宋慶輕騎馳

赴蘭州已於二月二十六日接晤面商一切其大隊馬

步三月初旬均可於蘭州取齊竊

臣之

奏調該軍原因穆圖善面商率所部赴甘涼以重西路

形勢嗣以回任赴陝並請臣事前毫無所聞追奉

旨允其赴陝臣一時倉卒不得不改調宋軍既蒙

聖明鑒允又不料鮑源深所阻復多稽滯現甫到蘭州
不及先扼甘州兼遏西甯逸賊於兵謀未免稍舛然西
事方殷正賴撲健良將共圖戡定此時惟有暫駐涼州
以就軍食俟夏收登場轉涼郡之糧以赴甘俟甘郡秋
收登場轉甘郡之糧以赴肅庶幾師行無滯制勝可期
以愚見度之將來非於肅州設立總臺收儲糧料子藥
又於前後各處節設轉運局不可益西北用兵艱阻勞

費百倍內地勢有固然應代兵事得失之分必在乎此
謹附片陳明伏乞

聖鑒訓示謹

奏

硃批知道了欽此

攻克肅州附城新堡及禮拜寺堅巢摺

奏爲官軍逼攻肅城力克附城新堡及禮拜寺堅巢恭摺馳陳仰乞

聖鑒事竊肅州上年十二月戰惠業於正月二十七日由驛馳報金順一軍於十二月二十八日進紮城外把崖頭二十九日提督徐占彪見金軍揚旗出隊慮其初到未諳地勢賊情派隊馳赴北河灘爲其策應賊先由北稍明出馬步二三千與金軍隔河相持見金軍至蜂擁來撲徐占彪嚴陣以待賊不敢近惟以鎗礮轟擊良

久賊稍懈徐占彪飭提督陳春萬總兵黃祖福遊擊徐春先抄其左總兵宋賢聲李洪超陳登雲抄其右賊分兩路抵敵正酣戰間徐占彪率隊直搗中堅賊退敗適副將桂錫楨參將武朝聘從後截之追殺至北門而還計斃悍賊七八十名正月初二日臣所派往之提督陶生林金慶元總兵戴宏勝等馬步五營抵肅初四日賊與金軍接戰徐軍率隊援之賊退入城徐占彪連日於城西北添築六壘扼賊出入要路初八日黎明北稍門出步賊二三千馬賊五六百騎撲官軍新築各壘徐占

彪以此路爲賊所必爭飛飭各營三路並進各壘亦開
壁出擊斃賊甚多賊退踞城根抗拒並多匿溝中遮蔽
鎗礮驚帶歸化營從九品徐鹿鳴襲創督戰竟日之久
賊見官軍愈逼愈緊初更後溝內匿賊潛遁入城官軍
追殺至北稍門收隊初九日東稍門出馬賊四五百騎
北稍門出步賊千餘仍撲新築各壘徐占彪率各營分
路擊之賊尙未退忽南稍門出步賊七八百衝至官軍
濠邊徐占彪飛調陶生林總兵齊懷松參將方友升等
縱橫擊之兩路賊均敗入城計共斃賊百餘訊據賊供

初八日之戰高台老二僞元帥戈什頭目王連萬長千
長頭目十餘名均被陣斬初十日賊八九百復出北稍
門甫列東湖灘卽經官軍擊敗退匿廢堡徐占彪飭開
後膛礮擊斃甚多此十二月二十九正月初八初九等
日剿賊獲勝並殲斃逆目之實在情形也初十日夜三
更後探報新到關外援賊四千餘帶叉子鎗多得並運
糧駱駝千餘隻由北稍門偷入徐占彪飛調武朝聘方
友升等馳往堵剿正值該逆絡繹入城之際官軍鼓銳
截殺陣斬數十名生擒十八名奪獲駱駝二百餘隻訊

據擒賊供稱馬四上年派口外阿渾李得瀝赴紅廟子求援此股援賊係紅廟子逆首妥鄉約後隊阿渾稞萬材帶來徐占彪以前在城西北添築之壘距北稍門之路尙遠且營數過單十三日察看北門河灘忽見馬四於單家屯莊就廢堡連夜築成大方堡一座牆垣堅厚濠溝二道外加木城二道徐占彪以此堡不破則北稍門之圍猶有罅漏因於是夜派金慶元戴宏勝等環賊堡逼築四壘十四日黎明北稍門出馬步賊三四千分爲兩股一伏近堡廢牆內一撲戴宏勝營壘徐占彪親

率遊擊鄭光平及陳春萬宋賢聲等迎頭猛擊令陶生
林桂錫楨秦玉盛參將馮桂增等分左右後三路抄之
金軍派隊會剿戴宏勝亦乘勢出戰將兩股賊圍困一
處斃賊無算賊敗退城下徐占彪以鎗礮轟擊忽礮聲
不震正詫異間瞥見賊婦女二人倒豎陣前似以妖術
厭勝者徐占彪連放二十餘礮轟塌堡垣丈餘堡賊竄
出二三百被官軍圍殺逃脫無幾餘賊仍踞堡死守城
上鎗礮雨集官軍攻至黃昏收隊徐占彪知堡賊必已
膽落是夜潛派各營環伏堡外隨今施放開花後膛大

百餘餘賊收回此二十一二兩日剿賊獲勝並攻克禮拜寺之實在情形也臣維肅州城西禮拜寺回民稱係伊先輩祖塋初入中國時死者卽多藏魄於此故敬護甚至附城之新堡與肅城相爲犄角至是均爲官軍攻破賊膽益寒長圍益密此次最爲出力員弁據徐占彪開單請保前來臣擬俟肅城克復後從優保獎其陣亡參將張集昌千總宋金盛王高陞溫含清王勝玉楊慶雲蔡德輝把總李仁和易友勝王恒順朱記凱外委張茂林董占元應懇

勅部從優議卹以慰忠魂而作士氣除金順所部戰狀
應由金順自行陳明外所有逼攻肅州城獲勝情形謹
據實馳陳伏乞

皇上聖鑒訓示施行謹

奏

同治十二年二月二十九日

硃批覽奏均悉仍著督飭徐占彪等實力進攻迅圖克
復陣亡參將張集昌等均著交部從優議卹欽此

收復大通縣擒斬逆目摺

奏爲官軍收復大通縣擒斬逆目及籌辦遷徙安插事宜恭摺馳陳仰祈

聖鑒事竊三品卿銜道員劉錦棠攻拔向陽堡情形已於正月二十七日馳報正月初六七兩日劉錦棠進規大通查看一路堡寨林立若節節攻取必滯戎機而懸軍深入又恐後路多梗乃留六營擇要駐紮一面整隊速進初八日撫回治復與馬福壽由通城馳至稟知城關回衆約二千餘惟叛弁馬壽之黨千長馬長忠韓喜

文王成宗僞軍師袁滿拉等及其死黨仍誓死抗拒餘
皆畏懼兵威並無固志劉錦棠飭遊擊董福祥留守向
陽堡親率各營縛馬壽以行甫抵城邊踞城之賊礮石
紛下劉錦棠麾軍環攻令治復與馬福壽繞城而呼獻
城迎降者免死擒賊者重賞忽見回衆數百開西門奔
出羅拜馬前劉錦棠整隊入城逆賊族衆下城巷戰各
營乘勢猱騰而上立克縣城劉錦棠下令撫諭降衆飭
令導引官軍覓擒賊目當獲二百餘名斬之分飭各營
分屯城關查點城內漢民據供向有三千餘人逆奔馬

壽自小峽敗歸戕其丁壯現僅留老弱婦女六百餘口
號哭之聲慘不忍聞劉錦棠遂提叛弁馬壽磔於市漢
民爭摘其心肺啖之立盡並擒其死黨馬長忠等一百
八十餘名駢戮之河東西及近城莊堡各頭目踵營納
款均請盡繳馬械緦獻匪黨求免進剿西南道郭襄之
委留陝補用知縣黃仁治署大通縣篆初十日至城劉
錦棠飭辦善後遷城關回民於河東西另招城西北遜
布馬廠利順張家寺各漢堡難民實之路旁回堡亦量
與難民更易十一二日降回紛至大通營及永安一帶

回目望風款附共繳馬六百餘匹叉子槍四百餘枝該處距城已在二百里外矣十四五六等日各莊緝獻匪黨一百五六十名悉斬以徇人心大定十九日劉錦棠率隊仍旋西甯此劉錦棠一軍克復大通縣城擒斬匪首籌辦善後之實在情形也陝回在西甯者丁莊老弱婦女統計尙二萬有奇崔偉禹得彥畢大才等傾心向化劉錦棠挑其精壯立爲旌善馬隊向陽堡之役助剿尤力惟白彥虎一起狡黠異常聞大通歲事自知罪孽重大慮不爲官軍所容雖亦僞詞乞撫而責其呈繳焉

械則遷延支展觀望不前崔偉等陰告劉錦棠預爲之
備劉錦棠時在大通飛飭撫回治復興率隊駐水硤一
帶扼之十四五等日兩戰皆捷十六日深追遇伏所部
亡失甚多治復興被賊生擒不屈死之白彥虎旋率眷
屬黨羽約二千餘潰出由永安南山草灘一帶狂竄劉
錦棠以方遷徙陝回各巨股老少不遑追截各陝回均
俯伏哀鳴聽候安插當分爲三起約二萬人派隊押赴
平涼秦安清水等縣擇地安插臣據報卽分檄營縣妥
爲照料一如化平廳故事並給新撫民每戶示諭一紙

刊發良民門牌俾其遵守惟羸弱困踣行走遲滯現已
分起押解給以行糧並發車馱載其婦稚輜重以遞其
行西甯境內自此無客回驛雜之患此遷徙西甯客回
另籌安插之實在情形也上維西甯地方遭回逆蹂躪
久已名存實亡據土民云不觀天日者四十三年矣劉
錦棠解西甯圍後痛剿大通悍賊一面收撫足使輸誠
者懷德挾詐者畏威俾糜爛至極不可收拾之區倏臻
底定惟白彥虎乘隙狂竄偵知經過鉄賣溝等處昌雪
奔馳途中凍僵者不少臣宗棠前檄降補參將楊世俊

率所部馬步各隊及甘涼肅各軍准備截擊現據稟報已各有擒斬尙未收隊容緩陳明以清眉目而各軍探稟所報賊數多寡不同或者該逆途中多所迫脅亦未可知也其禹德彥崔偉畢大才等由西甯碾伯平番過省點驗行走安靜當經遊員護解平涼清水秦安化平各廳縣妥籌安插西甯各屬善後事宜亦分飭斟酌妥辦冀一勞永逸庶後患而竟前功所有官軍克復大通縣城西甯遷出客回各情形謹據實馳陳再此次統領將士艱苦轉戰底定湟中肅清邊徼實屬勞績卓著合

無仰懇

天恩容

臣

策入前此各保案請獎以示鼓勵伏乞

皇上聖鑒訓示施行謹

奏

同治十二年二月二十九日

克復巴燕戎格擒獲叛逆摺

奏爲官軍克復巴燕戎格城擒獲叛逆並籌辦善後情形恭摺馳陳仰祈

聖鑒事竊

臣

宗棠先飭前山西臬司陳湜河州鎮沈玉

遂率各營由河州前進情形業於正月二十七日馳陳

在案馬本源兄弟竄踞巴燕戎城自知罪在不赦意圖
負隅聞劉錦棠通剿大通復糾股竄紮巴城冀襲後路
臣宗棠先檄飭提督劉明燈總兵敖天印扼屯險隘該
逆懼不敢前而陳湜沈玉遂已率河州各軍於正月二
十六日抵大河家偵知該逆眷屬均在戎城因商派提
督張仲春陳廣發總兵楊芳桂戴定邦率五品花翎馬
占鼐及馬仲友馬良義等分起夤夜疾趨查大河家赴
戎之路一由循化一由米拉三溝兩路稍平而較遠乃
議取道番地翻山直搗戎城攻其不備連日大雪迷漫

各軍衝寒度險二十九日抵瑞莊距巴城二十里回目
馬永福等率衆迎降詢知馬桂源兄弟帶其死黨數百
騎甫赴札巴正圖挈眷他竄陳澆等立飭馬占鼐率馬
如蛟馬德等急進沈玉遂等督輕騎繼之馳至戎城叛
逆業經西竄餘黨正絡繹奔赴官軍急分隊入城一面
躡追十餘里及賊後隊賊返旂抗拒官軍奮威衝殺斃
悍賊七八十名奪馬八十餘匹截獲逆眷六口及其姻
黨十餘名二月初一日劉明燈敖天印率所部由米拉
溝來會分駐城關真所獲馬本源馬楨源妻子於獄時

大雪不止知該逆未遽遠颺也劉明燈沈玉遂飭弁帶
回勇楊生魁周世祥蔣來成馬仲魁馬永昌馬伏清等
深入賊中諭以脅從罔治之意回衆爭繳馬械乞撫叛
逆馬桂源兄弟見人心已離惶懼益甚陰遣死黨求救
於軍功馬占鰲馬占鰲飭其盡繳馬械初四日齊赴城
外東山乞撫一面稟知沈玉遂沈玉遂密派馬步隊環
伏東山要隘比該逆至遂俯首就縛陳湜赴巴燕廳先
提其死黨馬至麻海乙什馬肖個麻個子等三十餘犯
斬之下馬桂源馬本源馬楨源於獄連日拶拏餘匪並

勒限外丑工撒拉各頭目悉繳馬械並撥各營扼要駐紮擬俟辦理循化一律就緒乃可班師先派兩營將馬桂源兄弟眷口押解赴省訊辦蓋遵臣宗棠前檄也臣

維已燕戎回番雜處山谷幽險與循化廳緊接叛逆馬桂源等本循化回族其由西甯遁入巴燕戎也蓋圖廣行勾結爲西竄之謀幸陳湜籌策精審沈玉遂及各營將士戮力一心其始不露聲色以緩其謀其繼解散黨羽以孤其勢遂令狡猾兇豎自入網羅不致重煩兵力又河湟表裏互爲聲應荒服闊絕用兵至難就河湟而

言非先定河州剿撫兼施湟中亦難措手此次收復巴
燕戎廳員弁勇丁均皆平定河州著績之人應請彙入
一案保獎以昭激勸花翎布政使銜前山西按察使著
勇巴圖魯陳湜謀慮周詳才能濟變在事出力最久應
請

賞換清字勇號存記錄用河州鎮總兵喀爾莽阿巴圖
魯沈玉遂靜定勇毅謀勇兼優應以提督存記請

旨簡放頭品頂戴記名提督剛勇巴圖魯陳廣發應請
旨交部從優議叙頭品頂戴記名提督博啟巴圖魯三

等軍功加一級張仲春提督銜浙江處州鎮總兵勤勇
巴圖魯楊芳桂遇缺題奏提督前福建台灣鎮總兵斐
陵阿勇巴圖魯劉明燈記名總兵振勇巴圖魯敖天印
均應請

旨交部議叙提督銜補用總兵策勇巴圖魯戴定邦應
請

旨以提督補用其餘出力各將士可否由臣宗棠彙案
請獎之處出自

鴻慈謹合詞具陳伏乞

皇上聖鑒訓示施行謹

奏

同治十二年二月二十九日

軍機大臣 字寄同治十二年二月十一日奉

上諭左宗棠豫師奏官軍收復大通縣城擒斬逆目一摺覽奏均悉大通縣城爲逆回所踞堡寨立劉錦棠訪知其中死黨無多餘皆畏懼因勢利導遂克縣城並將叛弁馬壽等擒斬辦理甚合機宜卽著左宗棠等飭令劉錦棠等將善後事宜妥爲籌辦以期一勞永逸白彥虎乘隙狂竄左宗棠等當飭在事各軍認真追捕務獲

母令日久稽誅此次出力文武員弁著准彙入前次各
保案奏請獎勵另摺奏攻克巴燕戎城情形已明降諭
旨將出力人員照所請獎勵矣將此由六百里各諭令
知之欽此